

Broj: 01-3-11-3989/26
Sarajevo, 20.04.2026. godine

Na osnovu člana 19. Odluke o osnivanju Javne ustanove Institut za razvoj preduniverzitetskog obrazovanja Kantona Sarajevo ("Službene novine Kantona Sarajevo", Broj 37/21), člana 8. i člana 70. Zakona o javnim nabavkama BiH („Službeni glasnik BiH“ broj 39/14, 59/22 i 50/24), člana 4. stav (1) Pravilnika o postupku dodjele ugovora o uslugama iz Aneksa II. Zakona o javnim nabavkama ("Službeni glasnik BiH" broj: 2/23) i Pravilnika o javnim nabavkama Javne ustanove Institut za razvoj preduniverzitetskog obrazovanja Kantona Sarajevo broj: 985/23 od 09.02.2023. godine (u daljem tekstu: Institut), a na osnovu Zapisnika o pregledu i ocjeni ponuda Komisije za nabavke Instituta broj: 11-11-3959/26 od 20.04.2026. godine, donosim

ODLUKU
o izboru najpovoljnijeg ponuđača
u postupku nabavke hotelskih usluga na području Grada Bihaća

I

Prihvata se preporuka Komisije za nabavke data kroz Zapisnik o pregledu i ocjeni ponuda, broj: 11-11-3959/26 od 20.04.2026. godine i ugovor za javnu nabavku usluga: hotelske usluge na području Grada Bihaća – organizacija seminara za direktore osnovnih i srednjih škola Kantona Sarajevo, dodjeljuje se ponuđaču: „SAFIR“ d.o.o. Bihać – HOTEL SAFIR, ul. Bihaćkih branilaca 89, Bihać sa ID brojem 4263080620000 (u daljem tekstu: Ponuđač), ponuda broj: 1 od 13.04.2026. godine, zaprimljena kod ugovornog organa pod brojem: 11-11-3810/26 od 15.04.2026. godine, kao najprihvatljivijom ponudom.

Ukupna cijena ponude iznosi 52.885,54 KM bez PDV-a što sa uračunatim PDV-om iznosi 61.876,08 KM (slovima: šesdesetjednihiljadaosamstotinasedamdesetšest i 08/100 KM).

II

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

Obrazloženje

Postupak javne nabavke usluga: hotelske usluga na području Grada Bihaća– organizacija seminara za direktore osnovnih i srednjih škola sa područja Kantona Sarajevo je pokrenut Odlukom o pokretanju postupka javne nabavke broj: 01-3-11-3474/26 od 06.04.2026. godine.

Javna nabavka je provedena putem postupka dodjele ugovora o uslugama iz Aneksa II. Zakona o javnim nabavkama.

Procijenjena vrijednost javne nabavke iznosi 90.000,00 KM bez PDV-a.

Dana 07.04.2026. godine na Portalu javnih nabavki, istovremeno sa objavljivanjem Obavještenja o nabavci broj: 30846-9-2-8-22-18/26, objavljen je i Javni poziv za nabavku predmetnih usluga.



Na osnovu Izvještaja Agencije za javne nabavke o preuzimanju Javnog poziva od strane ponuđača, utvrđeno je da su sljedeći ponuđači preuzeli tendersku dokumentaciju, prema redoslijedu preuzimanja:

1. SAFIR DOO BIHAĆ
2. BBS EUROPE
3. TENDERI DOO
4. MALAK HOTEL D.O.O.

Komisija za javnu nabavku imenovana je Rješenjem direktorice Instituta broj: 01-3-11-902/26 od 02.02.2026. godine i Rješenjem o izmjeni Rješenja o imenovanju Komisije za nabavke broj: 01-3-11-902-1/26 od 13.02.2026. godine.

Komisija za nabavke je, direktorici Instituta kao nadležnom tijelu ugovornog organa, dostavila Zapisnik o pregledu i ocjeni ponuda koji je ujedno i Izvještaj o radu Komisije broj: 11-11-3959/26 od 20.04.2026. godine, u postupku javne nabavke usluga: hotelske usluge na području Grada Bihaća – organizacija seminara za direktore osnovnih i srednjih škola sa područja Kantona Sarajevo.

U postupku, prema Zapisniku o pregledu i ocjeni ponuda, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, u kojim je utvrđeno sljedeće:

- da je ukupan broj pristiglih ponuda 1 (jedna),

- da je blagovremeno zaprimljene 1 (jedna) ponuda i to ponuda ponuđača:
1. „SAFIR“ d.o.o. Bihać – Hotel SAFIR,

- da nema neblagovremeno zaprimljenih ponuda,

- ukupno preuzeto Javnog poziva od strane ponuđača sa Portala javnih nabavki 4 (ČETIRI).

Shodno odredbama Zakona o javnim nabavkama, Komisija je ocjenila da ponuda ponuđača „SAFIR“ d.o.o. Bihać – Hotel SAFIR ispunjava sve zahtjeve tražene Javnim pozivom i ista je ocijenjena kao prihvatljiva.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz Javnog poziva.

U postupku ocjene provedenog postupka, nadležno tijelo ugovornog organa nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Javnim pozivom. Uvidom u priloženu dokumentaciju, neosporno je da je izabrani ponuđač najbolje ocijenjen, jer ima najprihvatljiviju ponudu u skladu sa Javnim pozivom.



Na osnovu navedenog, a budući da je ponuda ponuđača „SAFIR“ d.o.o. Bihać – Hotel SAFIR prihvatljiva, komisija je predložila direktorici Instituta kao nadležnom tijelu ugovornog organa da se ista ocjeni najpovoljnijom i da se pristupi zaključenju ugovora sa navedenim ponuđačem u zakonom predviđenom roku.

Prihvatajući prijedlog komisije odlučeno je kao u dispozitivu ove odluke.

PRAVNA POUKA: Svaki ponuđač koji ima legitiman interes za konkretnu javnu nabavku i koji smatra da je ugovorni organ u toku konkretnog postupka prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu shodno članu 99. i članu 101. stav (4) Zakona o javnim nabavkama.

DOSTAVITI:

1. Ponuđaču (1)
2. Komisiji za javne nabavke
3. Sektor za plan, analizu, pravna i opća pitanja
4. a/a



DIREKTORICA INSTITUTA

Senada Salihović

